

Յալալի

Յալալի, ժամուն մեջը քներ եմ,
Յալալի, սուրբ նշանը տեսեր եմ,
Յալալի, Տերն հարություն է առել,
Յալալի, հավը կարմիր է ածել,
Յալալի, Պողոսն երազ է տեսել,
Յալալի, Պողոս, երազդ ի բարին,
Յալալի, շնորհավոր նոր տարի,
Յալալի, նոր տարի ու նոր բարի:

Յալալի, աղբերս ուր է, ուր է,
Յալալի, պառկել բախչան, ի քուն է,
Յալալի, նխշուն բարձը գլխուն է,
Յալալի, ջուր վերևոքն անցել է,
Յալալի, նխշուն բարձը թրջել է,
Յալալի, աղբորս քնից հանել է,
Յալալի, աղբեր, ելի էդ քնից,
Յալալի, գինի խմի էդ գավից: